



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal nga Isyu
Marso 29, 2010
www.philippinerevolution.net

Magsulong halin sa estratehikong dependsiba padulong sa estratehikong pagkapatas

*Mensahe sa Bag-ong Hangaway sang Banwa
Halin sa Komite Sentral,
Partido Komunista sang Pilipinas*

Sa okasyon sang ika-41 nga anibersaryo sang pagkatukod sang Bag-ong Hangaway sang Banwa (BHB), nagasaludo kita sa mga Pulang kumander kag hangaway kag ginahatag naton ang pinakamataas nga pasidungog sa aton mga rebolusyonaryong martir kag baganihan. Ginatamyaw naton ang kubay sang mga hangaway sa mga kadalag-an sining nagligad nga tuig kag ginabuyok naton sila nga mag-angkon pa sang mga kadalag-an sa rebolusyonaryong paghimakas para sa pungsodnon nga kahilwayan kag demokrasya.

Sugod nga ginhayag naton ang aton estratehikong plano nga magsulong halin sa lebel sang estratehikong dependsiba pakadto sa estratehikong pagkapatas sa malawigan nga inaway banwa, aktibong ginatalakay na sang mga kadre kag katapu sang Partido, Pulang kumander kag hangaway, aktibis-tang masa, alyado kag sang malapad nga masa sang pumuluyo ang basehan, mga rekisito pang-pulitika kag ang estratehiya kag mga taktika para sa pagsulong. Ngaa kag paano kita magdaog?


Una, ang kahimtangan sang permanenteng krisis sang pangkalibutanon nga sistemang kapitalista kag lokal nga nagaharing sistema nagaserbi nga basehan para sa aton estratehikong plano kag implementasyon sini sa masunod nga lima ka tuig. Ang kahimtangan nga ini padayon nga nagalala kag labi na gid nagapaborable para sa pagsulong sang inaway banwa.

Ikaduha, nauyatan sang PKP

ang husto nga linya sa ideolohiya, pulitika kag organisasyon kag epektibo sini nga napamunuan ang pumuluyo kag mga rebolusyonaryong pwersa.

Dala sini ang manggaranon nga rebolusyonaryong inagihan kag tanan-nga-bahin nga kusog nga naagum sa masobra 40 tuig nga inaway banwa para tigayunon ang mga rekisito pangpulitika sang inaway banwa.

Ikatlo, dala sang hangaway sang banwa sa pagpamuno sang PKP ang husto nga estratehiya kag mga taktika nga ginbalay sang Partido para isulong ang inaway banwa. Mataas ang moral sang mga Pulang kumander kag hangaway kag determinado sila nga magbunul sa kaaway kag tumanon ang estratehiko nga plano.



I. Krisis nga kahimtangan sang pangkalibutanon nga sistemang kapitalista

Ang pangkalibutanon nga sistemang kapitalista natay-og halin sa pundasyon tuhtub sa bubong sang nagsulunod nga krisis sa pinansya umpisa sa katung-anan sang dekada 1970. Ang pagkambyo sang polisiya halin Keynesianismo pakadto sa neoliberalismo nagpadalom kag nagpalubha lang sa paliwat-liwat nga krisis.

Ang lubos nga pagpanumbalik sang kapitalismo sa pila ka pungsod nga ginharian sang mga rebisyunista ginpabugal sang monopolyong burgesya nga pamatuod nga wala sang paglaum ang sosyalistang kawsa kag ang pangkalibutanon nga sistemang kapitalista mas mabakod sangsa sadto pa man. Pero sa kamatuoran, ang pagdamo sang industriyal nga kapitalistang pungsod labing nagpagutok sa kapitalismo kag nagpalala sa krisis sang pangkalibutanon nga kapitalistang sistema.

Tuman na gid ka mapanghalit ang krisis sa ekonomya kag pinansya sa mga imperyalistang pungsod kag labi pa gid sa mga atrasadong pungsod. Ginaduso sini ang mga imperyalistang gahum para mangin mas mapangdambong, mas mapiguson kag mas agresibo sangsa nagtaliwan. Ang krisis nagatuga sang kundisyon pareho sang nagbunga sa duha ka gerang pangkalibutanon sang ika-20 siglo. Ang pagkatuhay lang nga mas mataas pa ang potensyal subong para magrebolusyon ang mga pumuluyo, magbato ang mga pungsod para sa kahilwayan kag mainsister ang independensya sang mga pungsod nga anti-imperyalista.

Nagatuhaw ang makasahing banggianay sa tunga sang monopolyong burgesya kag proletaryado sa mga pungsod nga imperyalista. Ang mga imperyalistang gahum nagasalimuang sa pag-agaway sang teritoryo sa ekonomya kag sakop sang impluwensya. Labing nagasingki kag nangin mapintas ang mga kontradiksyong inter-imperyalista.

Bisan pa man, nagalikaw pa ang mga imperyalistang gahum sa direktang bayolenteng bungguanay kag ginasentro pa nila ang ila kalakasan sa mga pigos nga pumuluyo sa mga pungsod nga neokolonyal kag atrasado. Bisan ang China ang mayor na nga katuwang sang US sa pagpatuman sang polisiya sini nga "neoliberal nga globalisasyon," ang pagkabangkarote sang polisiya nga ini nagatulod sa China nga mag-angkon sang kaugalingon nga merkado; makuhaan sang langis kag iban pang hilaw nga materyales; kag mabutangan sang puhunan. Tendensya sini nga gamuhon ang balanse sang pwersa sa tunga sang mga imperyalistang gahum.

Indi malubad ang subong nga krisis sa ekonomya kag pinansya sang US kag sang pangkalibutanon nga sistemang kapitalista bangud indi magbuhi ang mga imperyalistang gahum sa ila neoliberal nga dogma. Ginagamit lang ang kwarta nga pagsalbar halin sa pondo pangpubliko para abonohan ang pagkaputo sang mga daku nga bangko kag korporasyon sa industriyang militar imbes nga buhion liwat ang produksyon kag empleyo. Gani nagalawig kag nagadalom ang krisis sang pangkalibutanon nga kapitalismo.


Bangud nagdaku na ang utang, bulnerable ang US sa mga pagtinguha sang China nga magpatuman sang mga polisiya pang-ekonomya, pangnegosyo kag pangpinansya nga nagaserbi sa pungsodnon nga interes sini. May ma-

lawigan nga importansya sa Pilipinas ang relasyon pang-ekonomya sang ASEAN kag China bilang isa ka pagpangibabaw sa solo nga dominasyon sang imperyalismong US sa East Asia. Ang Shanghai Cooperation Organization mahimo nga mangin panimbang sa pagginahum sang US sa bilog nga Asia.

Ang US padayon nga ginahigop sang mga kumunoy nga tuga sang mga gerang agresyon sini sa Iraq kag Afghanistan. Ang mga interbensyong militar sini sa Middle East, Africa, Central Asia kag South Asia nakasamad sa kabilugan sini nga paghari. May pila ka pungsod nga nagapanindugan sa ila pungsodnon nga kahilwayan sa East Asia, Latin America kag Africa.

Padayon ang pumuluyo sa pagsulong sang armadong pagbato sa US kag mga papet sini. Sa iban nga pungsod tulad sang India, Pilipinas, Peru, Turkey kag Colombia, nagapursiger ang pumuluyo sa armadong paghimakas para sa pungsodnong kahilwayan kag demokrasya. Nagalunsar o nagahanda nga maglunsar sang inaway ang mga rebolusyonaryong partido sang proletaryado sa nagadamo nga pungsod sa Asia, Africa kag Latin America.

Ang sosyal kag pulitikal nga kinagamo kag ang pag-igrab sang mga rebolusyonaryo nga armadong paghimakas sa pangkalibutanon nga sistemang kapitalista mangin paborable sa pagsulong sang bag-o nga demokratikong rebolusyon sa Pilipinas. Ang mabaskog nga huyog sang US kag iban nga imperyalistang pungsod nga magsabwag sang mga gerang agresyon kag terorismo sang estado batuk sa pumuluyo nagatulod sa pumuluyo nga maglunsar sang rebolusyonaryong gera.



II. Krisis nga kahimtangan sang lokal nga nagaharing sistema

Sobra ka reaksyunaryo kag mapaniplang ang rehimeng Arroyo sa pag-laragway sa kinaiya sang nagaharing sistema sang Pilipinas. Ginapalukdo sini sa banwa ang tuman kabug-at nga dumuluong nga monopol-yong kapitalismo, lokal nga pyudalismo kag burukrata-kapitalismo sa idalom sang mga polisiya nga dikta sang US pareho sang “neoliberal nga globalisasyon” kag “pangkalibutanon nga gera kontra sa terorismo.”

Bisan pa man sige ang wakal sang rehimen nga himuon sini nga “first world country” ang Pilipinas kag pilit sini nga ginabasol ang pagbato sang pumuluyo sa kapigusan kag paghimulos bilang rason sang pagkaatrasado kag kaimulon. Kag ginagamit sini ang amo nga daku nga kabutigan para tinguhaon nga gub-on o himuon nga wala pulos ang rebolusyonaryong kahublagan paagi sa mga mapintas nga kampanya sang pagtapna militar sugod pa 2001.

Lubos nga napas-lawan ang Oplan Bantay Laya (OBL) sa tanan nga kontra-rebolusyonaryong katuyuan sini. Madinalag-on nga nakalunsar sang mga taktikal nga opensiba ang BHB sa pungsod-non nga sakop, gani nabalewala ang mga saywar nga ginawakal sang rehimen kag ginapakita ang nagadaku nga kusog sang armado nga rebolusyonaryong kahublagan.

Ginabalewala lang sang pumuluyo ang ginapabugal sang reaksyunaryong militar bahin sa madamo nga “mga kampo sang BHB nga naagaw,” “madamuan nga pagsur-render sang BHB,” “pagbalik sa katingban sang mga nagsurender nga rebelde” kag mga kapareho sini. Ang mga pagdukot, pagtortur kag ekstrahudisyal nga pagpamatay sang mga aktibista kag ordinar-yong pumuluyo ginapagguwa nga

mga lehitimong tikang kontra sa “mga kaaway sang estado” kag ang mga tagabuhat ginapadyaan kag ginapasidunggan nga mga “baganihan.”

Magapadayon kag magalala pa ang permanenteng krisis sang malakolonyal kag malapyudal nga nagaharing sistema sa Pilipinas. Wala sang makita nga talamdan nga magatuhaw sa subong nga eleksyon presidensyal ang isa ka bag-ong administrasyon nga tunay nga magapahilway sa Pilipinas kag magasunod

sa banas sang industriyal nga kauswagan paagi sa reporma sa mga katakuran kag pungsod-nong industriyalisasyon. Ang huyog sang mga ara sa mata-as nga pwesto nga solohon ang pangurakot kag padakuon ang ila mapuga paagi sa dugang nga pagpanghimulos kag pagpamigos sa banwa, kapin na ang masang anakbalhas.

Ang masubo nga malakolonyal nga kinaiya nga agraryo sang Pilipinas nagahatag sang mga kundi-syon para sa pag-uswag sang inaway banwa. Ang kawad-on sang tunay nga repormang agraryo nagagarantiya sa masang mangunguma nga sundon ang pagpamuno sang Partido Komunista sang Pilipinas sa pagpatuman sang rebolusyonag agraryo kag pagpasakup sa inaway banwa.

Ang permanente nga krisis so-

syo-ekonomiko sang nagaharing sistema magatuga sang wala tu-pong sa kalubhaon nga krisis sa pulitika tuman na para indi masarangan sang mga nagahari nga sahi sang daku nga kumprador kag agalon nga mayduta nga maghari pareho sang una. Nangin labing bayolente ang mga paksyon sang mga nagaharing sahi batuk sa isa kag isa samtang nagagamay ang mga benepisyong sang gahum pangpulitika bunga sang nagalala nga krisis.

Pareho sa ginpakita sang masaker sa Ampatuan, pwede nga gamiton sang mga reaksyunaryong paksyon ang mga bahin sang pwersang militar, pulisya kag paramilitar bilang pribadong hangaway nila kag magtukod sang kaugalingon nga hayag nga pribadong hangaway paagi sa pagkuha sang mga suplay militar sa mga armori sang estado. Ang paglapnag sang mga pribadong hangaway gintuga sang polisiya sang terorismo sang estado kontra sa pumuluyo.

Indi mapahipos kundi pasingki-on pa sang subong nga eleksyon presidensyal ang mga kontradiksyon sa tunga sang mga reaksyunaryo. Ang pana-panahon nga eleksyon para sa mga upisyal sang reaksyunaryong guberno nagaserbi nga paniguro sa pagginahum sang mga pulitiko nga maki-imperyalista kag tiglawas sang mga daku nga kumprador kag agalon nga mayduta. Proseso man ang mga ini para mapwera ang mga tiglawas sang mga anakbalhas kag mapartehan kag magrigodon sa gahum ang mga dinastiya sa pulitika.

Pero ang subong nga eleksyon presidensyal nagabukas sang dalan padulong sa mas malala nga krisis sang sistema kag dugang pa nga kalakasan sa tunga sang mga reaksyunaryo. Labaw sangsa nagtaliwan daku ang ginagasto subong sang magkaribal nga paksyon sa pulitika sa kampanyang elektoral. Tinguhaon sang mga magadaog

nga bawion ang ila gastos kag magganar sa ila pwesto sa gubyrno. Magatanom naman sang sakit sang buot ang mga malutos.

Anuman nga reaksyunaryong paksyon ang makakuha sang pwesto sang pangulo sa Mayo magapadayon sa dikta sang US nga polisiya sang terorismo sang estado batuk sa pumuluyo kag sa mga rebolusyonaryong pwersa. Wala bisan isa sa apat ka mayor nga kandidato sa pagkapangulo ang nagapabutyag sang determinasyon nga magpatuman sang negosasyon pangkalinungan nga magalubad sa mga ugat sang armadong inaway paagi sa mga reporma pangkatilingban, pang-ekonomya kag pangpulitika.

Maayo nga bagay ang pagpamatuk sang mga reaksyunaryo, labi na ang mga maki-imperyalista nga militarista kag kleriko-pasista, sa sugilanon pangkalinungan. Sa sini masikway ang sayup nga mga ilusyon bahin sa negosasyon pangkalinungan kag labi pa nga matulod ang mga rebolusyonaryong pwersa nga tigayunon ang daku nga tulungdan nga isulong ang inaway banwa.

Madugay na nga ginapabugal sang pinakamalaut sa mga reaksyunaryo kag sumulunod nila nga paltik nga progresibo, pati ang mga traidor nga nahayag sang Ika-duha nga Dungganon nga Kahublagan Panadlong, nga ang pumuluyo kag mga pwersa sang bag-ong demokratikong rebolusyon natabunan kag napaluya na sang mga di armadong pag-alsa sang pumuluyo sang 1986 kag 2001 kag pagbulos-bulos sang kuno mga demokratikong rehimen pagkatapos sang rehimen Marcos.

Ginatakpan sang mga nagahikay sa bag-ong demokratikong rebolusyon paagi sa malawigan nga inaway banwa ang kamatuoran nga nag-amot sang daku ang mga rebolusyonaryong pwersa sa kadalag-an sang mga di armadong pag-alsa sang pumuluyo kag indi lang nakapreserba kundi nakapalapad pa ang BHB sang iya armadong kusog sini kon ngaa kilala ini bilang pinakadaku nga rebolusyonaryong hangaway sang banwa sa kasaysayan sang Pilipinas.

Indi natapna sang OBL 1 kag 2 ang armado nga rebolusyonaryong kahublagan. Indi hungod sang mga reaksyunaryo nga akuon nga may signipikanteng kusog ang hangaway sang banwa sa kada ideklarar nila nga nagapabilin ini nga pinakadaku nga katalagman gihapon sa nagaharing sistema. Ginahimo lang nila nga kaladlawan ang ila kaugalingon sa wala untat nga pagsiling nga may 25,000 nga hangaway ang BHB sang tunga-tunga sang dekada 1980 kag sa subong pila ka libo na lang ini.

Sa kada simana, kada bulan kag kada tuig, ginapakita sang BHB ang ikasarang sini sa pagpapas sang mga yunit sang kaaway kag padayon sini nga himuon ini sandig sa polisiya kag estratehikong plano sang pagsulong halin sa halintang sang estratehikong depensiba padulong sa estratehikong pagkapatas. Magadasig pa nga mapabaskog ang BHB sa padayon sini nga paggamit sang espesipikong linya sang malaparan kag maikit nga inaway gerilya base sa nagalapad kag nagapadalom nga baseng masa.

III. Mga rekisito pangpulitika sang inaway banwa

Ang rebolusyonaryong pangpulitika nga pagpamuno sang PKP ang numero uno nga rekisito pangpulitika sang bag-o nga demokratikong rebolusyon sa Pilipinas kag para magsulong halin sa estratehikong depensiba pakadto sa estratehikong pagkapatas sa malawigan nga inaway banwa. Ang Partido ang naglatag sang pangkabilugang linya sang bag-o nga demokratikong rebolusyon batuk sa malakolonyal kag malapyudal nga nagaharing sistema.

Sa ubay sang Marxismo-Leninismo-Maoismo, nakatipon ang Partido sang mga eksperensya kag kadalag-an sa pagpamuno sang bag-o nga demokratikong rebolusyon. Paagi sa paglunsar sang Ika-duha nga Dungganon nga Kahublagan Panadlong umpisa 1992 tub-tub 1998, narekober sini ang baseng masa nga nadula sang una bu nga sang malala nga kasaypanan sang “Wala” kag Tuo nga oportunidad sang dekada 1980 kag nakapanibag-ong kusog sini ang ar-

madong rebolusyonaryong kahublagan sugod sang dekada 1990.

Ang yabing tulungdan sang Partido sa masunod nga lima ka tuig amo ang magrekrut sang di mag-nubo sa 200,000 katapu sang Partido agud mapabaskog ang rebolusyonaryong pamunuan kag tugas sang rebolusyonaryo nga kahublagan masa. Ang subong nga katapuan sang Partido nagakaigo nga basehan para abuton ang katuyuan nga ini sa sulod sang duha ka tuig sandig sa polisiya sang mapanga-

has nga pagpalapad sa katapuan sang Partido nga wala ginapasulod bisan isa ka di maayo nga elemento. Dapat rekruton kag pasumpaon bilang mga kandidatong katapu ang mga aktibista sa mga organisyong pangmasa nga nagabaton sang Konstitusyon kag Programa sang Partido.

Ang mga kandidatong katapu nga naghalin sa sahing mamumugon kag mangunguma mangin lubos nga katapu sa sulod sang anom ka bulan kag ang mga naghalin naman sa petiburges, sa sulod sang isa ka tuig. Sa panahon sang pagka-kandidatong katapu, dapat siguruhon sang natungdan nga organo sang Partido ukon yunit ang maayo nga pag-ugali kag militansya sang mga kandidatong katapu sa kahub-

lagang masa kag dapat sila mahatagan sang basehang edukasyon pangpartido. Dapat dasigon sang tanan nga nagapamuno nga organo sang Partido kag mga yunit ang pagtinguha nga mapataas pakadto sa lubos nga katapu lunsay ang mga daan kag bag-o nga kandidatong katapu sang Partido.

Indi dapat may mga di kinahanglanon nga pagkaatrasar antes mangin lubos nga katapu ang mga kandidatong katapu sang Partido. Ang mga pagkaatrasar sa pagpasaka sang isa ka kandidato pakadto sa lubos nga katapu masami bangud sa pagpabaya kag kakulang sang kabalaka sa handum sang mga kandidatong myembro nga mangin mga lubos nga katapu. Nagakaigo na nga ang kandidatong katapu nakatapos sang basehang edukasyon pangpartido kag napamatud-an nga seryoso sa pagtungod sang iya natalana nga katungdanan sa yunit sang Partido kag sa organisasyong masa.

Para madasig nga matukod ang Partido, dapat naton padasigon ang pagtukod sang mga organisasyong masa sang mangunguma, mamumugon, pamatan-on, kababaihan, bata, aktibista pangkultura kag iban pang sektor. Sa umpisa nagakaigo na ang pagbaton sa programa kag konstitusyon sang organisasyong masa para mangin katapu ang mga aplikante/rekrut. Kon wala sang nagadaku nga kahublagang masa nga makuhaan sang rekrut nga mga kandidatong katapu, ang Partido indi magdako kag indi makatungod sa hilikuton sang pagpukaw, pag-organisa kag makapahulag sang mas madamo pa nga pumuluyo. Relatibo sa estratehikong katungdanan nga magsulong

halin sa estratehikong depensiba padulong sa estratehikong pagkapatas, pareho nga gamay ang organisasyon sang Partido kag ang aton organisadong baseng masa. Pero mas nagakaigo ang mga ini para tinguhaon naton nga angkunon ang lebel sang kusog nga kinahanglanon para abuton ang bibi sang estratehikong pagkapatas sa sulod sang wala pa lima ka tuig kon sumahon naton sang maayo ang mga rason sang mahinay nga pagdaku sang Partido kag sang organisadong baseng masa kag kon ilatag naton ang mga hilikuton para maksimisahon ang aton kusog kag pangibabawan ang mga kasaypanan kag mga kahinaan.

Ang paglapad sang organisasyon sang Partido kag organisadong baseng masa lunsay sa kasyudaran kag kaumhan mahimo maguna sa paglapad sang hangaway sang banwa. Mahimo maglapad ang Partido kag ang organisadong baseng masa sa tanan nga distritong kongresyunal sang reaksyunaryong estado. Sa diin man may ara, dapat padakuon ang ila katapuan. Sa ulihi, ang pila sa mga katapu sang Partido kag mga aktibistang masa mahimo nga sayluhon sang panapanahon agud masakop ang mga lugar kon sa diin wala pa o tuman kagamay sang Partido kag mga organisasyong masa.

Sa masunod nga lima ka tuig, dapat makatukod sang mga sanga sang Partido sa indi magnubo sa 20,000 baryo kag dapat makapauswag sang mga kadre sang Partido sa lebel sang rehiyon, subrehiyon, prubinsya, distrito o prenteng gerilya kag seksyon paagi sa lain-lain nga lebel sang edukasyon pangpartido kag paagi sa mga hilikuton sa kahublagang masa. Dapat mapamunuan sang mga kadre kag katapu sang Partido sa lokalidad ang hili-

kuton sang mga organisasyong masa, organo sang gahum pangpulitika, milisya sang pumuluyo, kwerpo sa pagdepensa sang baryo kag mga yunit sa pagdepensa sang mga organisasyong masa. Ginaako sang milisya sang pumuluyo ang papel bilang mga pangunahong pwersa sa paglunsar sang lokal nga inaway gerilya kag bilang sentro de grabidad sang mga kwerpo sa pagdepensa sang baryo kag mga yunit pangdepensa sang mga lokal nga organisasyong masa.

Dapat mapabwelo nila ang mga yunit sang BHB sa paglunsar sang mga taktikal nga opensiba. Sa sini, makatukod sang mga bag-ong yunit pang-away gamit ang mga armas nga naagaw sa kaaway. Dapat nga makalampas kita sa naandan nga pagtinambak sa mga yunit sang hangaway sang banwa sang mga tulungdan nga masarangan naman himuon sang mga lokal nga sanga sang Partido, mga organisasyong masa kag mga lokal nga organo sang gahum pangpulitika nga amo ang magaasikaso sa edukasyon pangpubliko, mga halambalanon pang-ekonomya, ikaayong lawas, pagdepensa sa kaugalingon, aktibidad pangkultura kag arbitrasyon.

Sa pagpamuno sang Partido, matukod kag madumalahan sang mga organo sang gahum pangpulitika ang milisya sang banwa kag kwerpo sa pagdepensa sang baryo para sa pangsulod nga seguridad kag hilikuton pangpulis. Ang mga organisasyong masa makatukod kag makadumala man sang taga nila ka yunit pangdepensa. Dapat maglab-ot sa pila pa pulo kalibo ang katapuan sang milisya sang banwa kag kwerpo sa pagdepensa sang baryo—isa ka platun nga milisya kag isa ka platun sang kwerpo sa pagdepensa sa kada baryo. Ang mga yunit pangdepensa dapat maglab-ot sang ginatos ka libo—isa ka platun nga pangdepensa sa kaugalingon sa kada organisasyong

masa sa kada baryo.

Dapat ipaidalom sang BHB ang mga yunit sini sa mga natalana nga panahon para sa pulitiko-militar nga paghanas, pagpakig-away, hilikuton masa kag produksyon. Dapat hatagan sini sang paghanas pulitiko-militar ang yunit pang-away amo man ang mga instruktur para sa mga milisya sang pumuluyo kag yunit pangdependa. Mahimo nga irelyebo kag ipakat ang mga yunit sang BHB para sa mga inaway sa sulod sang tatlo tubtub anom ka bulan, depende sa sitwasyon. Ang punto amo nga padasigon ang pag-agaw sang mga armas sa mga pwersa sang kaaway. Dapat man irelyebo ang mga yunit sang BHB sa hilikuton masa kag produksyon para mapabilin sila nga malapit sa pumuluyo kag mapatuhaw nila ang parte sang ila ginakonsumsi.

Nagakadapat para sa Partido nga magsuma sang inagihan kag subong nga kahimtangan kag magbalay sang mga ubay kag plano para sa BHB sa kada lebel sang rehiyon, subrehiyon, prubinsya kag distrito o prenteng gerilya nga may pat-ud nga rasonableng target para sa numero sang mga armas nga makumpiska sa mga pwersa sang kaaway. Kon ano ang rasonable igabase sa daan nga inagihan kag subong nga ikasarang sang mga yunit sang BHB. Halimbawa, ang isa ka kumand sang BHB pwede magrekomendar sa komite sang Partido sang 10% nga dugang sa numero sang armas sa kada tatlo ka bulan.

Nagalapta ang mga mahumok nga target para sa mga reyd, ambus kag operasyon pagdis-arma. Lakip diri ang mga istasyon sang pulisya, magagmay nga

detatsment sang Philippine Army, mga yunit paramilitar, mga pribadong ahensya pangseguridad, mga pribado nga armadong grupo kag mga armadong indibidwal nga reaksyunaryo. May mas mahumok pang target para sa mga atritibong aksyon para paluyahon kag pabagsakon ang moral sang mga pwersang kaaway, pwersahon sila nga maggwardya kag magsayop sa pagdeploy sang tropa kag mga resorsa. Madali nga malunsar ang mga operasyon base sa natipon nga impormasyon kag napanahon nga pagpanilag.

Paagi sa pagtugyan sang hilikuton pangmasa kag kahublagang masa sa mga lokal nga sanga sang Partido, lokal nga organo sang gahum pangpulitika kag mga organisasyong masa, mapahamtang ang BHB nga maamligan kag mapauswag ang baseng masa samtang nakatum-ok ini sa pagbato kag pagdugmok sa gahum kag mga makinarya sang reaksyunaryong estado sa malapad nga sakop sa mga lokalidad. Sa sini, maeng-ganyo kag mahatagan sang ikasarang sang BHB ang pumuluyo sa mga lokalidad nga agawon ang gahum pangpulitika.

Labi pa nga magabaskog kag mangin hilway ang mga rebolusyonaryong organo sang gahum pangpulitika kon nadugmok ang reaksyunaryong gahum kag nagapalagyo ang mga reaksyunaryo o indi gani nakuhaan sang lokal nga gahum kag awtoridad. Ang mga organo sang gahum pangpulitika dapat pangunahon nakabase sa mga organisasyong masa sang anakbalhas kag napalapad paagi sa nagahiliugyong prente sang lain-lain nga lebel batuk sa pinakamalaut nga reaksyunaryo.

IV. Estratehiya kag mga taktika

Husto nga ginlatag sang Partido ang pulitiko-militar nga stratehiya kong linya sang malawigan nga inaway banwa. Nagakahulugan ini sang paglikop sa kasyudaran halin sa kaumhan kag pagtipon sang kusog sa malawig nga panahon tubtob makatipon na sang nagakaaigo nga kusog kag ikasarang para agawon ang mga syudad sa pungsodnon nga sakop sa halintang sang stratehiya kong opensiba.


Ang linya nga ini nakabase sa kahimtangan sang Pilipinas kon sa diin mayorya sang pumuluyo mga

mangunguma kag makit-an sa kaumhan ang pangkatilingban kag pisikal nga tereyn para sa pagtukod sang hangaway sang banwa kag hulu-halintang nga pagsulong sang inaway banwa.

Ang kahustuhan sang stratehiya kong linya ginpamatud-an na sang kamatuoran nga nakapreserba ang Bag-ong Hangaway sang Banwa kag nag-uswag halin sa gamay pakadto sa daku, halin sa maluya pakadto sa

mabaskog batuk sa mga brutal nga atake sang kaaway. Lakip sa mga atake nga ina ang mga *task force* nga dibisyon-kadaku para tapnaon ang pagtubo sang hangaway sang banwa sadtong 1969-1972, ang 14 ka tuig sang pasistang diktaduryang Marcos kag ang serye sang mga pungsodnon nga plano sang kontra-rebolusyonaryong kampanya militar nga ginlunsar sang sunod-sunod nga paltik nga demokratiya kong rehimen pagkatapos ni Marcos.

Sa malawig nga panahon sang pasistang diktaduryang Marcos, nakatukod kita sang hangaway sang banwa nga nag-umpisa nga may siyam ka ripleng awtomatik kag 26 mahina nga mga armas (mga riple nga paiza-isa nga lupok kag malip-



ot nga pusil) sadtong umpisa sang 1969 kag naabot sa bilog nga pungsod ang kabilugan nga 5,600 ripleng awtomatik sadtong 1985. Apang halin 1985, nangin maathag nga ang BHB ginpaluya sang mga “Wala” nga oportunistang linya pareho sang “estrategikong kontra-opensiba” kag linya nga “pulang purok-puting purok (“red area-white area” o RAWA).

Ang mga “Wala” nga oportunistang linya nga ini ang nag-uk-ok sa kusog sang BHB kag nagsamad sa rebolusyonaryo nga baseng masa kag nagresulta sa masobra 60% nga paggamay sang baseng masa sadtong dekada 1980. Nagkagat sila sa paon sang kaaway nga naghimmo sang Oplan Lambat-Bitag (OLB) I, II kag III nga gindesinyo para sa estrategikong paglikop kag “gradual constriction” sa mga yunit sang BHB, kag paglagas sa ila paagi sa mga “special operations team.”

Ginsaway kag ginsikway sang Ikaduha nga Dungganon nga Kahublagan Panadlong ang mga “Wala” nga oportunistang linya bilang pag-ipit sa kaugalingon kag paghamulag sa masa sa ngalan sang pagpabaskog sa BHB paagi sa di kinahanglanon nga bertikalisasyon kag adelantado nga pagtukod sang daku nga yunit. Sa mga lugar kon sa diin nagpangibabaw ang “Wala” nga oportunistang linya, ginpahigad ang kinahanglanon sa horisontal nga latag sang mga yunit sang BHB, gani nagluya kag naguba ang hugot nga angut naton sa masa. Naggamay ang organisado nga baseng masa sang rebolusyonaryong hublag samtang nagadaku ang kinahanglanon nga suporta sa mga kumpanya nga gintukod sang wala sa panahon.

Sa direksyon sang Partido sa kahublagan panadlong, kinahanglanon balikan sang BHB ang mga sandigan sa pagpakig-away gerilya. Ginpaidalom ini sa panibag-ong oryentasyon, organisasyon kag



pagdeploy para magsulong sang masinsin kag lapnagon nga pagpakig-away gerilya base sa nagapalapad kag nagapadalom nga baseng masa. Nahibal-an sang kaaway ang pagbalik sa magamay nga mga yunit kag nagbaskog ang kaugalingon sini nga ideploy ang mga *scout ranger team* sini batuk sa nasambit nga mga yunit. Apang napreserba sang BHB ang kaugalingon kag nabawi sini ang baseng masa bangud mismo sa pagsunod sa hustong linya sadtong bilog nga panahon sang rehimeng Ramos kag Estrada.

May negatibo man nga aspeto ang paghatag tum-ok sa horisontal nga latag sang magagmay nga yunit sang BHB para dulaon ang malain nga dulot sang adelantado nga bertikalisasyon kag para bawion ang baseng masa. Nagbun-ag ini sang gerilyaismo o sang kaisipan nga rebeldeng lagawan kag konserbatismo, labi na sa mga lugar kon sa diin wala sang muklat kag desaysibo nga pagtinguha nga pauswagon ang mga rebolusyonaryong pwersa sang balanse kag ang kinahanglanon nga ubayan sang sentro de grabidad kag mga nagalapta nga mga yunit sa hilikuton sang hangaway sang banwa. Bisan pa man basta nagadaku ang baseng masa, mas madali para sa Partido nga tadlungon ang konserbatismo kag

gerilyaismo.

Ang madason nga daku nga hangkat sa BHB amo ang Oplan Bantay Laya (OBL) gamit ang brutal nga kampanya batuk sa mga legal nga aktibista pangkatilingban kag pwersahan nga pagpabakwit sang mga mangunguma kag tumanduk nga pumuluyo sa kaumhan. Labaw nga nalampasan sang OBL ang OLB sa sakop, kalawig, kasingki kag brutalidad. Gingamit sang US kag rehimeng Arroyo (sa sulsol sang mga militarista kag kleriko-pasista nga *asset* sang US CIA) ang linya nga ang mga progresibong aktibista pangkatilingban mga nagapana-bon nga hangaway sang BHB kag ginpatad nila nga mangin mas epektibo ang mga kampanya militar sa kaumhan kon ang nasambit nga mga aktibista matapna paagi sa mga pagdukot, pagtortyur kag mga ekstrahudisyal nga pagpatay.

Ginpamatud-an sang OBL ang wala sang ikasarang sang reaksyunaryo nga mga pwersa sang militar, pulis kag paramilitar nga sakupon bisan 10% man lang sang teritoryo sang Pilipinas sa kada natalana nga panahon. Nagbwelo ang BHB sa 90% sang teritoryo. Gani nahimo sini nga mapabaskog kag paslawon ang mga katuyuan sang OBL. Sa OBL, labi nga nabantog ang rehimeng Arroyo sa bilog nga kalibutan

sa lapnagon kag sistematikong paglapas sa mga tawhanong kinamatarung.

Apang dapat kita magtuon sang husto sa nagkalainlain nga taktika nga gingamit sang kaaway sa OBL, pareho sang mga taktika nga pangkugmat ("shock and awe") ni General Palparan sa Oriental Mindoro, Western Samar kag Central Luzon, "convergence" (pagbuligay sang militar kag mga ahensyang sibil-yan) ni General Gomez sa Bohol, "sentro de grabidad" ni General Dagoy kag "pagtum-ok sa sityo" ni Colonel Bustillos.

Halin sa estratehikong pagtan-aw, ang tanan nga ini lunsay mga tigreng papel. Apang sa taktikal nga lebel, kon sa diin gindumog ni-la ang mga prenteng gerilya kag ang masa, mabangis gid man sila nga tigre nga nagdulot sang isa ka lebel sang kahalitan, nagtuga sang tunay nga mabudlay nga kahimtan-angan para sa rebolusyon kag nagtuga sang mga kasaypanan kag kahinaan sa bahin sang mga suhetibo nga pwersa sang rebolusyon.

Gintipon kag gintun-an sang Partido ang mga pahayag halin sa mga natungdan nga rehiyon kag naghimo ini sang mga plano para pangibabawan ang mga problema kag pabaskugon pa ang mga rebolusyonaryong pwersa. Nagtuon kita sang mga importanteng leksyon sa

paglutos sa mga atake sang kaaway, pagpreserba kag pagpauswag sang aton mga pwersa kag baseng masa, paglunsar sang lubos nga pagpakig-away gerilya kag pagsulong sang rebolusyonaryong paghimakas. Ginpanday kita sang mabudlay nga inagihan kag labi kita nga nagbaskog, padayon nga nagdulot sang mas lapnagon kag mabaskog nga bunal sa kaaway kag pirme nga determinado nga isulong kag padag-on ang aton inaway banwa.

Sa subong, ang BHB na ang pinakadaku nga hangaway sang banwa nga natukod sang Pilipino nga anakbalhas. Nalampasan na sini ang isip sang tinawo nga de-riple sa rebolusyonaryong hangaway sang 1896-1902 kag sa daan nga hangaway sang banwa sang 1942-1952. Para makatikal, pasulit-sulit ang pagbinutig sang mga reaksiyunaryong pwersa nga may 25,000 hangaway ang BHB sang 1986 kag madinalag-on nila ini nga napagamay tubtob 5,000 o mas gamay pa.

Ang isip sang riple sang BHB sadtong 1986 amo nga 6,100 lamang (dugang nga 500 sa isip nga 5,600 sadtong 1985 nga wala sang maathag nga pagtasa sa epekto sang mga "Wala" nga oportunis-tang linya kag binuang nga anti-impormer, partikular ang Kampanyang Ahos sa Mindanao. Halin sa

datos sang plenum sang Komite Sentral sadtong 1985, yara sadto sa Mindanao ang 50% sang armadong kusog sang BHB.

May kritikal nga kusog ang BHB base sa linibo sini nga hangaway nga may mabaskog nga armas. Kon husto nga madeploy kag napahulag, masarangan sini nga magdaku sang madasig kag magsulong sang pabalud-balod kag sa depinidong mga halintang (tunga kag abante) sang estratehikong depensiba kag sa bibi kag una nga halintang sang estratehikong pagkapatas. Sa diin man may mga yunit sang BHB sa idalom sang anuman nga lebel sang kumand: baryo, seksyon, prenteng gerilya, inter-prenteng gerilya, prubinsya, subrehiyon kag rehiyon, dapat mag-angkon sang relatibo nga konsentradong pwersa bilang sentro de grabidad. Dapat ipwesto ang sentro de grabidad sa pinakamaayo nga tereyn. Samtang ang malapad nga erya napun-an sang magkatambi nga kumpanya-kadaku nga prenteng gerilya kag nansporma pakadto sa mga subrehiyunal nga eryang militar kag sa ulihi bilang mga patag-awayan sang mahulag nga inaway, ang ila nga mga sentro de grabidad matukod sang mas daku nga pwersang bertikal.

Kadungan sini, ang labi pa nga pag-uswag sang mga pwersang horisontal nga ginabug-os sang isa ka pultaym nga platun gerilya sa lebel munisipal ang pauswagon pa sang pagdamo sang mga platun-kadaku nga milisya sang banwa, kwerpo sang depensa sa baryo, yunit pangdepensa sang mga organisasyon masa sa lebel baryo kag sang pagdeploy sang mga armadong partisano sa syudad sang mga sentrong urban nga sakop sang mga prenteng gerilya.

Ang subong nga isip sang mga prenteng gerilya masobra sa naga-kaigo nga tungtungan para saku-pon sang Partido, mga organisa-



syong masa, mga alyansa kag mga yunit sang hangaway sang banwa ang halos tanan kon indi man tanan sang 179 distritong kongresyunal sa kaumhan sang reaksyunaryong estado sa sulod sang masunod nga duha o tatlo ka tuig. Ang kusog sang BHB indi dapat pagtunganga-tungaon kag ilapta para lang masakop sang lubos nga pulu-pareho ang nasambit nga mga distrito nga kongresyunal. Dapat magpabaskog ang BHB sa ila tagsa ka lugar kag pabalud-balod nga magsulong o magdeploy sang mga pauna o pamanggas nga yunit sa pinakamaayo nga tereyn sa nasambit nga distrito.

Sa madason nga lima ka tuig, ang BHB nakatalana nga magtuga sang mas matingkad nga pamatay nga bunal sa reaksyunaryong mga pwersa militar, pulis kag paramilitar nga magpanginwala sa ginhambal sang mga reaksyunaryo, mga paltik nga progresibo kag traidor nga ang BHB nahalitan kag napaluya na sang mga antinasyunal kag antidemokratiko nga rehimen pagkatapos ni Marcos kag sang mga kampanyang militar nila. Labaw sa tanan, determinado ang Partido kag BHB nga pasanyugon ang armadong kusog kag gahum pangpulitika sang masang anakbalhas.

Ang posible nga maagyan nga mga halintang sang pag-uswag sang inaway banwa amo ang halin sa estratehikong depensiba pakadto sa estratehikong pagkapatas kag halin diri pakadto sa estratehikong opensiba. Pagkatapos ang apat ka dekada sa estratehikong depensiba, nalatag naton ang basehan para handumon kag lab-uton ang halintang sang estratehikong pagkapatas sa masunod nga lima ka tuig kag halin diri maghimakas nga magsulong pakadto sa ulihi nga halintang sang estratehikong opensiba.

Dapat naton sumahon ang aton

inagihan sa pagpakig-away kag ang subong naton nga sitwasyon kag maghimo sang mga ubay kag plano sa lebel sang Komite Sentral, Komisyon Militar kag kumand sa operasyon sang BHB; sa lebel sang mga komiteng rehiyon sang Partido kag mga pangrehiyong kumand sa operasyon; kag sa lebel sang subrehiyon, prubinsya kag distrito o prenteng gerilya sa katuyuan nga makalunsar sang mga taktikal nga opensiba kag madugangan ang armadong kusog sang BHB para mahimo naton nga magsulong halin sa estratehikong depensiba pakadto sa estratehikong pagkapatas.

Masarangan naton sa masunod nga lima ka tuig nga mag-angkon sang tag-isa ka prenteng gerilya sa tanan nga 179 rural nga distritong kongresyunal kag magpakat sang mga armadong partisano sa syudad sa tanan nga urban nga distritong kongresyunal. Ang pagsakop sang isa ka prenteng gerilya sa isa ka pangprubinsya nga distritong kongresyunal magahatag-dalan sa pag-agum kag pagpauswag sang mga prenteng gerilya sa mga kaiping nga distrito. Indi mangin pareho ang pagtuhaw kag pag-uswag sang mga prenteng gerilya apang dapat naton tinguhaon pirmo nga agumon ang mga natalana nga talaksan kag pataason ang pangkabilugang lebel sang pag-uswag. Dapat siguruhon sang pangrehiyong komite sang Partido kag kumand sa operasyon sang BHB nga ang mga sentro de grabidad sa lebel sang rehiyon, subrehiyon, prubinsya kag prenteng gerilya nakapwesto sa kadutaan nga paborable sa maniobra.

Ang mga prenteng gerilya labi pa nga magalapad kag magadalom kag mangin relatibong istable samtang nagaayo ang ila koordinasyon sa pagpamuno sang Partido kag kumand sang BHB sa lebel inter-prente, prubinsya, subrehiyon kag rehiyon. Masarangan gihapon sang mga pwersa sang kaaway nga mag-

konsentra sang pwersa sa kabilugan o bahin sang isa ka partikular nga prenteng gerilya. Apang ang angtanay kag koordinasyon sang pila ka magtalambi nga prenteng gerilya sa idalom sang mga kumand sa mas mataas sa prenteng gerilya kag ang pag-angkon sang mga pwersa nga pang-away para sa mga kontra-atake sang mga pangrehiyon, pangsubrehiyon, pangprubinsya o inter-prente nga kumand ang mangin yabi sa pagpreserba, pagpabaskog kag pagpalapad sang mga prenteng gerilya kag paglunsar sang mga koordinadong taktikal nga operasyon sa mga sakop nga erya. Mas madali lang makakoordinar ang magtalambi nga prenteng gerilya kag mag-agum sila sang mga andana sang kumand pareho sang pangrehiyon, pangsubrehiyon kag pangprubinsya.

Pirmo tinguhaon sang kaaway nga estratehikong likupan ang aton nga mga pwersa kag maglunsar sang mga estratehikong opensiba. Apang madugangan ang inisiyatiba kag ikasarang sang BHB nga maglunsar sang mga taktikal nga paglikop kag taktikal nga opensiba samtang nagauswag ang mga pangrehiyon, pangsubrehiyon kag pangprubinsya nga kumand. Ang pagdamo sang aton mga opensiba magaobligar sa mga pwersa sang kaaway nga dugangan ang tinawo pangdepensa sang mga kampo, mga istasyon sang pulisya kag importanteng instalasyon kag buhinan ang numero sang mga armadong pwersa sang kaaway para sa mga opensibang operasyon. Sa amo man magapabilin nga bulnurable sa mga taktikal nga opensiba sang BHB ang mga linya sang patrol kag suplay sang kaaway.

Diin man pilion sang kaaway nga likupan ang aton nga mga pwersa, ginaatubang naton ini pagi sa taktikal nga kontra-likop kag pagbira halin sa gwa. Kaangut sini, mahimo naton agawon ang inisya-

tiba nga maglunsar sang mga taktikal nga opensiba sa iban nga lugar. Tuman ka mahulag ang gera nga ginasulong naton. Padayon naton ginauyatan kag ginagamit ang mga taktika sang konsentrasyon, pagsaylu-saylo kag paglapta para maagum ang aton nga mga katuyuan base sa kongkretong kahimtangan.

San-o man kinahanglanon, temporaryo nga halinan sang BHB ang isa ka lugar kag ihatag ang panahon sa iban nga hilikuton. Wala kita nagapakatig-a nga depensahan ang isa ka teritoryo kag magsubsob sa mga inaway nga makapeligro sa diin man nga nagapanguna nga yunit sang BHB diin man nga prenteng gerilya, prubinsya, subrehiyon o rehiyon. Sa tanan nga kahigayunan, ang mga nakalapta naton nga magamay nga yunit sa hilikuton masa dapat mangin alerto para indi masorpre-sa kag mapwersa magsubsob sa mga puro depensibo nga inaway o mga engkwentro.

Nagaatubang lang kita sa mga inaway nga madasigan nga ginatapos kag masarangan naton nga padag-on. Ginahatagan-prayoridad naton ang pagbunal sa pinakaluya nga bahin sang kaaway. Bulag kag bungol ang kaaway bangud ginakan-gil-aran sila sang pumuluyo. Indi nila matumod kon diin o san-o magaatake ang aton mga pwersa. Ginauyatan naton ang bilog nga inisyatiba sa paglunsar sang mga inaway nga anihilatibo, nga makapatuhaw sang mga armas para sa labi pa nga pagpabaskog sang hangaway sang banwa kag magadulot sang mga halit nga makabuhin sa kusog kag makapahina sa moral sang mga pwersa sang kaaway.



Madamo ang mga taktika nga mapilian naton, nga mas kumplikado kag mas mabudlay mapaktan sang kaaway sangsa isa lang ka pag-ambus, reyd o operasyon pang-aresto, apang kumplikado man ang mga ini sa halambalanon sang pagdeploy sang mga yunit pang-*blocking*, pang-*contain* kag *close-in*. Ang mga kumplikado nga taktika nga ginatumod naton nagalakip sang masunod: pagganyat sa kaaway nga magsulod sa pinakadalom pakadto sa aton "zone of fire" (erya kon sa diin nakahanda kita magbira); pag-ambus o pagreyd sa isa ka pwersa sang kaaway bilang pauna sa mas daku nga bira sa mga reim-porsment; pagpakuno-kuno nga pag-atake sa sidlangan para mag-atake sa nakatungdan; pagtulod sa kaaway nga maggwa sa base kag pagwasak sa base; pagpakapoy sa pwersa sang kaaway sa pagsulod sini sang madalom sa aton teritoryo kag pag-ambus diri kon ginatuyo na ini nga magbalik sa base; kag iban pa.

Ang pangunahong katuyuan naton amo nga maglunsar kag padag-on ang mga inaway nga anihilatibo batuk sa mga pwersa sang kaaway. Dapat man kita maglunsar sang mga atritibong aksyon para makapaluya kag makademoralisa sa pwersa sang kaaway. Lakip diri ang pag-isnays sa mga pwersa sang kaaway sang mga tim pang-isnays o mga yunit isparo, paggamit sang mga eksplosibo batuk sa mga salakyan sang kaaway, pagsunog sa talaguan sang gasolina kag mga garahe sang kaaway kag iban pa. Mapadugo naton asta mapatay ang

halimaw halin sa mga inaway anihilatibo kag atritibong aksyon.

Ang hulu-halintang nga ginasulong sang aton inaway banwa nagakahulugan sang pag-uswag sang aton nga mga taktika kag teknika militar. Natun-an naton ang aton nga mga taktika sa mga pagsuma kag paganalisa naton sa aton nga mga positibo kag negatibo nga inagihan. Nagapang-agaw kita sang mga armas, mga kagamitan pangkomunikasyon kag iban pa nga gamit lohistika halin sa kaaway.

Subong man may magamit na kita nga mga sopistikadong kagamitang elektroniko para sa komunikasyon kag pagtago kag pagkuha sang impormasyon. Dapat kita mangin istrikto sa husto nga paggamit sang mga ini para sa aton komunikasyon, hilikuton kag mga opensiba. Kon iresponsable ang paggamit naton sini, ang mismo nga mga kagamitan nga ini ang mahimo gamiton sang kaaway para mapadali ang paghalit sa aton. Indi dapat naton pagkalimtan ang paggamit kag pagpauswag sang mas dumaan apang mas masaligan nga porma sang komunikasyon pareho sang sistema nga kuryer sa basehan sang organisadong baseng masa kag mga alyansa.

Dapat kita magtungod sang hilikuton pangpulitika para makapagrekut sang mga tinawo medikal kag iban pa nga propesyunal kag mga teknisyan para sa nagkalainlain nga departamento sang hangaway sang banwa kag makapauswag sang mga alyansa para maabot naton ang nagkalainlain nga mga serbisyong propesyunal kag teknikal. Dapat naton pauswagon ang produksyon sang hangaway sang banwa para sa kaugalingon sini nga paggamit kag ang produksyon sang pumuluyo para magsuporta sa hangaway sang banwa kag mga pamilya sang aton nga mga Pulang hangaway. Dapat naton tipunon

ang mga amot sang masang anakbalhas nga nakabenepisyo o makabenepisyo sa mga polisiya sang rebolusyonaryong gubyrno kag kahublagan.


May gahum sa pagpatuman sang buhis ang gubyrno sang pumuluyo para kontrolon kag ipaidalom sa mga regulasyon ang mga empresa kag mga kagamitan nga nagakita sa arkila kag interes para magkolekta sang rersorsa para mahatag ang serbisyo sosyal sa kinahanglanon sang masa, lakip ang pagdumala kag pagsuporta sa mga programa sa produksyon, edukasyon, ikaayong lawas, depensa kag kauswagan pangkultura. Kon naghatag sang donasyon ang pila ka grupo pangpulitika kag indibidwal sa gubyrno sang pumuluyo, ang mga ini ginagamit sa mga katuyuan nga pangkatilingban kag indi bayad sa kinamatarung nga makakampanya o para magdaog sang pusisyon sa reaksyunaryong eleksyon.

Maluwas sa mga operasyong kombatan para papason ang mga yunit sang militar, pulisya kag pwersang paramilitar kag mga pribadong armadong grupo, dapat kita maglunsar sang mga operasyon pang-aresto para

mabista kag masilutan ang mga nagapanghimulos kag sukton ang may mga utang nga dugo, mga naglapas sa tawhanon nga kinamatarung, mga manugdambong, mga manug-agaw sang duta, mga nagasamad sang mga naturalisa kag mga nagapanguna nga suplayer sang mga ilegal nga droga. Dapat naton gub-on ang mga reaksyunaryo nga organo sang gahum pangpulitika kag mga anti-pumuluyo nga empresa nga nagaagaw sang duta kag nagasamad sa naturalisa.

Dapat naton palayason sa mga prenteng gerilya ang mga indi magbag-o nga manughimulos kag manugpigis. Napalapad kag nakonsolida naton ang Pulang gahum pangpulitika kon napapas o ginpalayas naton ang mga ini halin sa prenteng gerilya. Dapat kita maghanda sa aton kaugalingon batuk sa labi nga pagdaku sang interbensyon nga mga pwersa militar sang US samtang madinalag-on kita nga nagasulong halin sa estratehikong dependensiba pakadto sa estratehikong pagkapatas. Dapat kita nga mangin handa sa todo-larga nga agresyong militar sang US.

Hingalitan ang krisis nga kahimtangan paagi sa pagpasingki sang inaway banwa!
Tigayunon ang mga rekisito pangpulitika sa ubay sang Partido!
Padayunon ang lapnagon kag masinsin nga pagpakig-away gerilya!
Magsulong halin sa estratehikong dependensiba pakadto sa estratehikong pagkapatas!
Isulong ang bag-o nga demokratikong rebolusyon paagi sa inaway banwa!



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Ispesyal nga Isyu
Marso 29, 2010
www.philippinerevolution.net

Magsulong halin sa estratehikong dependsiba padulong sa estratehikong pagkapatas

*Mensahe sa Bag-ong Hangaway sang Banwa
Halin sa Komite Sentral,
Partido Komunista sang Pilipinas*

Sa okasyon sang ika-41 nga anibersaryo sang pagkatukod sang Bag-ong Hangaway sang Banwa (BHB), nagasaludo kita sa mga Pulang kumander kag hangaway kag ginahatag naton ang pinakamataas nga pasidungog sa aton mga rebolusyonaryong martir kag baganihan. Ginatamyaw naton ang kubay sang mga hangaway sa mga kadalag-an sining nagligad nga tuig kag ginabuyok naton sila nga mag-angkon pa sang mga kadalag-an sa rebolusyonaryong paghimakas para sa pungsodnon nga kahilwayan kag demokrasya.

Sugod nga ginhayag naton ang aton estratehikong plano nga magsulong halin sa lebel sang estratehikong dependsiba pakadto sa estratehikong pagkapatas sa malawigan nga inaway banwa, aktibong ginatalakay na sang mga kadre kag katapu sang Partido, Pulang kumander kag hangaway, aktibis-tang masa, alyado kag sang malapad nga masa sang pumuluyo ang basehan, mga rekisito pang-pulitika kag ang estratehiya kag mga taktika para sa pagsulong. Ngaa kag paano kita magdaog?


Una, ang kahimtangan sang permanenteng krisis sang pangkalibutanon nga sistemang kapitalista kag lokal nga nagaharing sistema nagaserbi nga basehan para sa aton estratehikong plano kag implementasyon sini sa masunod nga lima ka tuig. Ang kahimtangan nga ini padayon nga nagalala kag labi na gid nagapaborable para sa pagsulong sang inaway banwa.

Ikaduha, nauyatan sang PKP

ang husto nga linya sa ideolohiya, pulitika kag organisasyon kag epektibo sini nga napamunuan ang pumuluyo kag mga rebolusyonaryong pwersa.

Dala sini ang manggaranon nga rebolusyonaryong inagihan kag tanan-nga-bahin nga kusog nga naagum sa masobra 40 tuig nga inaway banwa para tigayunon ang mga rekisito pangpulitika sang inaway banwa.

Ikatlo, dala sang hangaway sang banwa sa pagpamuno sang PKP ang husto nga estratehiya kag mga taktika nga ginbalay sang Partido para isulong ang inaway banwa. Mataas ang moral sang mga Pulang kumander kag hangaway kag determinado sila nga magbunul sa kaaway kag tumanon ang estratehiko nga plano.



Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com